

(ciep banj daeuz)

Cunghvaz Minzczuz dwg gij minzczuz hungmbwk gwnz seiqgyaiq, miz 5000 lai bi vwnzmingz lizsij goek gyae lae raez, vih vunzloih vwnzmingz cinbuh'ok le gung'yen lumz mbouj ndaej. Bi 1840 ciengz ciengq ienqnamh le, Cunghgoz cugyamq baenz buenqcizminzdi buenqfunghgen sevei, guek-gya deng ap、bekqsingq miz nanh、vwnzmingz deng uq, Cunghvaz Minzczuz deng souh gij cainanh doenghbaez caengz miz gvaq. Daj seizhaenx hainduj, saedyienh Cunghvaz Minzczuz fukhwng hungmbwk, couh baenz aen loqsiengj ceiq hungmbwk Cunghgoz beksingq caeuq Cunghvaz Minzczuz.

Vih gouq minzczuz deng mied, Cunghgoz beksingq haenqheiq fanjgang, gyoengq boux gyaез guekgya buet bae hemqheuh, Daibingzdenhgoz、Fouhswt Bienq Fap、Yihozdonz Yindung、Sinhaih Gwzming doxlienx guh hwnjdaeuq, gak cungj fueng-anq gouq guek doxlwnz okdaiz, hoeng doeklaeng cungj dwg saetbaih. Cunghgoz gaenj aeu miz gij swhsiengj moq yinxlingx guh yindung daeuq gouq dai, gaenj aeu miz cujciz moq comz rengz guh gwzming.

Cibnyied Gwzming sing bauq baez yiengj, soengq Majgwzswh Lezningz Cuji daeuq hawj Cunghgoz. Youq ndaw Cunghgoz beksingq caeuq Cunghvaz Minzczuz roxsingj hungmbwk, youq ndaw Majgwzswh Lezningz Cuji caeuq Cunghgoz gunghyinz yindung dox giethab gaenjdaet, Cunghgoz Gungcanjdangj laebbaenz. Cunghgoz miz le gungcanjdangj, neix dwg gienh saehbienq hung hai seizdaih moq, gaijbienq le gij fueng'yiengq caeuq diuzroen hwnghat gaenhdaih gvaqlaeng Cunghvaz Minzczuz laegdaeuq, gaijbienq le gij roennaj caeuq minghyinh Cunghgoz beksingq caeuq Cunghvaz Minzczuz laegdaeuq, gaijbienq le gij byaijyiengq caeuq gwzgis seiqgyaiq hwnghat laegdaeuq.

Cunghgoz Gungcanjdangj baez laebbaenz, couh dawz vih Cunghgoz beksingq maeuz vuenyungz、vih Cunghvaz Minzczuz maeuz fukhwng laebdingh baenz gij sawjmingh goeknduj bonjfaenh. Bak bi doxdaeuq, sojmiz buekguh、sojmiz vutmingh、sojmiz dajcauh Cunghgoz Gungcanjdangj doxgiet daiqlingx Cunghgoz beksingq guh haenx, gyoebgyonj hwnjdaeuq couhdwg aen cawjdaez ndeu: Saedyienh Cunghvaz Minzczuz fukhwng hungmbwk.

—Vihliux saedyienh Cunghvaz Minzczuz fukhwng hungmbwk, Cunghgoz Gungcanjdangj doxgiet daiqlingx Cunghgoz beksingq, buekmingh bae hoenx、baenzbaenz cungj mbouj lau, cau h le gij cingzcik hungmbwk sinhminzczuj cuji gwzming. Raeuz ginggvaq bwzfaz cancwng h、dujdi gwzming cancwng h、gang'yiz cancwng h、gaijfang cancwng h, yungh gij gwzming vujcang h fanj gij fanjgwzming vujcang h, doifan digoz cuji、funghgen cuji、gvanhliuz sw hbnj cuji sam goengq bya hung, laebbaenz le Cunghvaz Yinzminz Gunghozgoz beksingq danggya guh cawj, saedyienh le minzczuz doglaeb、beksingq gaijfang. Sinhminzczuj cuji gwzming ndaejhingz, daengzdae j gietsat le gij lizsij Cunghgoz gaeuq buenqcizminzdi buenqfunghgen sevei, daengzdae j gietsat le gij gizmen buenz sa sanq Cunghgoz gaeuq, daengzdae j cawz le gij diuzyoz mbouj bingzdaengj lezgyangz apbik gya hawj Cunghgoz caeuq sojmiz daeggienz digoz cuji youq Cunghgoz haenx, vih saedyienh Cunghvaz Minzczuz fukhwng hungmbwk cau h le gaenbonj sevei diuzgienh. Cunghgoz Gungcanjdangj caeuq Cunghgoz

beksingq yungh buekguh akgiengz lwnh seiqgyaiq yiemzrwd, Cunghgoz beksingq ndwn hwnjdaeuq lo, aen seizdaih Cunghvaz Minzczuz cai h vunz gaj、deng apbik haenx gvaqbae mbouj dauqma lo!

—Vihliux saedyienh Cunghvaz Minzczuz fukhwng hungmbwk, Cunghgoz Gungcanjdangj doxgiet daiqlingx Cunghgoz beksingq, baeng h rengz sw hgeij、haenqrengz buekguh, cau h le gij cingzcik hungmbwk sevei cuji gwzming caeuq hwnjgu h. Raeuz guh sevei cuji gwzming, siumied aen cidu funghgen boksok apbik youq Cunghgoz laebdaeb geij cien bi haenx, laebbaenz aen cidu gihbnj sevei cuji, doinyoengx hwnjgu h sevei cuji, hoenxhingz gij boekdaenh buqvaih caeuq vujcang h deuqnyex digoz cuji、bagenz cuji, saedyienh le sevei bienqgwz ceiq gvangq ceiq laegdaeuq Cunghvaz Minzczuz miz lizsij doxdaeuq, saedyienh le gij bonghyat hungmbwk aen guekhung baihdoen gijmaz cungj mbouj miz、gyaeujvunz lai haenx yamq hung hamj haeuq sevei cuji sevei, vih saedyienh Cunghvaz Minzczuz fukhwng hungmbwk demhroengz le gaenbonj cwngei cenzdiz caeuq cidu gihcu j. Cunghgoz Gungcanjdangj caeuq Cunghgoz beksingq yungh buekguh akgiengz lwnh seiqgyaiq yiemzrwd, Cunghgoz beksingq mboujdan ak buqvaih aen seiqgyaiq gaeuq ndeu、hix ak hwnjgu h aen seiqgyaiq moq ndeu, cijmiz sevei cuji cijndae j gouq Cunghgoz, cijmiz sevei cuji miz daegsaek Cunghgoz cijndae j hwnghat Cunghgoz!

—Vihliux saedyienh Cunghvaz Minzczuz fukhwng hungmbwk, Cunghgoz Gungcanjdangj doxgiet daiqlingx Cunghgoz beksingq, gaijfang sw hsiengj、daihdamj buekguh baenaj, cau h le gij cingzcik hungmbwk gaijgwz hailang h caeuq hwnjgu h sevei cuji yendaiva, raeuz saedyienh gij cienjbienq hungmbwk gig miz yiyi laeggyae gwnz lizsij aendangj Cunghgoz moq laebbaenz doxdaeuq, laebdingh gij loh sienq gihbnj duenh cogaep sevei cuji, giendingh mbouj bienq doinyoengx gaijgwz hailang h, hoenxhingz gij deuqnyex fungyiemj gak fuengmienh, haicau h、genhciz、henhoh、hwnghat sevei cuji miz daegsaek Cunghgoz, saedyienh le gij cienjbienq hungmbwk daj aen dijci giva ginghci gig caebcomz daengz aen dijci hawciengz ginghci sevei cuji gig miz rengzhoeng h、daj fungsaek buenq fungsaek daengz cien fueng'vih hailang h, saedyienh le gij dwkbyoengq hungmbwk daj gij cingzgvang swng hcanjliz haemq doeklaeng daengz ginghci cungjlien h yathamj daengz seiqgyaiq daihngeih, saedyienh le gij yathamj hungmbwk beksingq gwn mbouj imq daenj mbouj raeu j daengz cungjdae j siujgang h、buetcoh cienzmienh siujgang h, vih saedyienh Cunghvaz Minzczuz fukhwng hungmbwk gunghawj le dijci baujcingq miz rengzhoeng h moq caeuq gij diuzgienh doxgaiq hwnghat riengjret. Cunghgoz Gungcanjdangj caeuq Cunghgoz beksingq yungh buekguh akgiengz lwnh seiqgyaiq yiemzrwd, gaijgwz hailang h dwg aen banhfap youqgaenj ndeu gietdingh diuzmingh roennaj Cunghgoz daihneix, Cunghgoz yamq hung gyaephwnj seizdaih lo!

—Vihliux saedyienh Cunghvaz Minzczuz fukhwng hungmbwk, Cunghgoz Gungcanjdangj doxgiet daiqlingx Cunghgoz beksingq, gagsaenq gaggiengz、soujcingq cau hmoq, comz doxdaeuq hungmbwk、gunghcwngz hungmbwk、saehnieb hungmbwk、loqsiengj hungmbwk, cau h le gij

cingzcik hungmbwk sevei cuji miz daegsaek Cunghgoz seizdaih moq. Cibbet Dai h Aendangj doxdaeuq, sevei cuji miz daegsaek Cunghgoz haeu j daengz seizdaih moq, raeuz genhciz caeuq gyagiengz aendangj cienzmienh lingjdauj, dungjcouz doinyoengx “haj vih it daej” cungjdae j baijbou h、hezdiuz doinyoengx “sei q aen cienzmienh” canloz baijbou h, genhciz caeuq guhnde i aen cidu sevei cuji miz daegsaek Cunghgoz、doinyoengx guekgya ceihleix dijhi caeuq ceihleix naengzlig yendaiva, genhciz ciuq fapgvi guenj aendangj、guhbaenz aen dijhi fapgvi ndaw aendangj haemq caezcienz, hoenxhingz baenzroix deuqnyex fungyiemj hungnaek, saedyienh aen moegbiu buekguh bak bi daih'it, dinghmingz gij canloz baijbou h saedyienh aen moegbiu buekguh bak bi daihngeih, saehnieb aendangj caeuq guekgya aeundae j cingzcik hungloet、fatseng bienqvaq hungloet, vih saedyienh Cunghvaz Minzczuz fukhung hungmbwk gunghawj le gij cidu baujcingq engq caezcienz、gij giekdaje doxgaiq engq maenhsaed、gij rengz cingsaenz engq cawjdoeng h. Cunghgoz Gungcanjdangj caeuq Cunghgoz beksingq yungh buekguh akgiengz lwnh seiqgyaiq yiemzrwd, Cunghvaz Minzczuz coux daeu j le gij bonghyat hungmbwk daj ndwn hwnjdaeuq、miz hwnjdaeu j daengz ak hwnjdaeu j, saedyienh Cunghvaz Minzczuz fukhwng hungmbwk haeu j daengz duenh lizsij cienj dauqnyangz mbouj ndaej!

Bak bi doxdaeuq, Cunghgoz Gungcanjdangj doxgiet daiqlingx Cunghgoz beksingq, yungh gij heiqsei q mbouj lau “vih miz vutmingh ceiqheiq lai, gamj hawj biengz gaeuq vuenh biengz moq”, raiz le gij sei ceiq hungmbwk gwnz lizsij geij cien bi Cunghvaz Minzczuz. Bak bi neix doxdaeuq haibik diuzroen hungmbwk、cau h saehnieb hungmbwk、aeundae j cingzcik hungmbwk, itdingh raiz haeu j ceksa w lizsij hwnghat Cunghvaz Minzczuz、ceksaw hwnghat vunzloih vwnzmingz!

Gyoengq dungzci、gyoengq baengzyoux!

Bak bi gonq, gyoengq bouxbyaijgonq Cunghgoz Gungcanjdangj cau hlaeb le Cunghgoz Gungcanjdangj, guhbaenz le gij cingsaenz laeb aendangj hungmbwk genhciz caenleix、giensouj lijsiengj, hengzgu h goeknduj、rapdawz sawjmingh, mbouj lau vutmingh、doxdaeuq maenh'ak, doiq aendangj cungcig、mbouj vei beksingq, neix dwg gij goekrag cingsaenz Cunghgoz Gungcanjdangj.

Bak bi doxdaeuq, Cunghgoz Gungcanjdangj fatyienz gij cingsaenz laeb aendangj hungmbwk, ciengzgeiz buekguh laebhwnj aen bujhi cingsaenz vunz Cunghgoz Gungcanjdangj, lien h ok cwngei binjgwz ronghsien. Lizsij baenaj mbouj dingz, cingsaenz daihdaih doxcienz. Raeuz aeu laebdaeb fatyienz cienzdoengj miznaj、swncienz lwed meg saekhoengz, ciengxlwenx cienz gij cingsaenz laeb aendangj hungmbwk roengzbae、fatyienz ndei bae!

Gyoengq dungzci、gyoengq baengzyoux!

Bak bi doxdaeuq, sojmiz cingzcik raeuz aeundae j, dwg gij gezgoj vunz Cunghgoz Gungcanjdangj、Cunghgoz beksingq、Cunghvaz Minzczuz doxgiet buekguh. Vunz Cunghgoz Gungcanjdangj aeu Mauz Cwzdungh dungzci、Dwn g Siujbingz dungzci、Gyang h Cwzminz dungzci、Huz Ginjdauh dungzci guh cujyau daiqbiu j haenx, vih Cunghvaz Minzczuz fukhwng hungmbwk laebbaenz le gij goenglauz hungmbwk riuzcienz fanh daih! Raeuz yaek aeueiq gyoengqde! (cienj banj daihsam)